

Ein anderer gang streicht von mittnacht in den mittag.

Ein Gang A. B. C. Das absetzen D. E. F.  
Mittag



Mittnacht.

Aber eb ein gang vom morgen oder vom dem abendt streiche/zeiget vns an das absetzen des gesteins/dan so dise gegen abendt in die tieffe fallendt/so wirt es ein gang genandt der vom morgen in abendt streicht/so aber gegen morgē/vom abendt in morgen: zügleich halten wir auch von dem absetzen des gesteins von mittag vñ mitternacht. Aber die Bergkleut teilendt ein jedes teil der welt in sechs teil / vnd auff dise weiß machendt sie vier vnd zwenzig teil der welt/welche sie auß den zweien zwelffer zal nennent. Aber dise teil der welt heist bey inen ein bergtcompaß/welcher also gmacher wirt. Erstmalē wirt ein rondte scheidē gmacht/als dan von seim halben teil/bis zu seim gegenteil/zwölff gerade liniē/welche die Griechischē *ἀμετρους*/die Latiner *dimetiētes* nennendt/darun̄ das sie gleich weit von einander seindt durch den mittel punct gezogen/welchē die Griechische *λεντρον* heissendt/das also die scheidē in vier vnd zwenzig gleiche teil geteilet wirt/als dan innerhalb der scheidē machet man drei scheidē/derē eusserstes teil die liniē/haltet die ein jede teill der vier vñ zwenzig teilen gleich teilet/die mittlere aber hatt in den liniē/die man *dimetiētes* heisset/auff bei den seitē die zwelffte zal verzeichnet/das innerlich teil aber/so auß gehölet ist/hatt ein zeiger von *Magnet* / durch welchen auß den zwelfff liniē *dimetiētes* genandt/darüber an beiden seiten die zwelffte zal sthet/8 zeiger stracks gange.

8 2 Mittag